



Sesida dals

19 da favrer 2019

Communitgà ils

21 da favrer 2019

Protocol nr.

105

Incumbensa Ellemunter

concernent l'aboliziun da la taxa supplementara da 30 francs per examinaziuns
da vehichels a Scuol, a Li Curt ed a Müstair

Resposta da la regenza

Gia en las sessiuns dal cussegl grond dal december 2015 e da l'avrigl 2017 aveva la regenza già l'ocasiun da prender posiziun en chausa en il rom da las uras da dumondas respectivas (dumonda da deputà Toutsch: PCG nr. 3 2015/2016, p. 564 s., e dumonda da deputà Monigatti: PCG nr. 5 2016/2017, p. 903). La regenza aveva explitgà tenor il senn che l'uffizi per il traffic sin via haja mo pudì – cun incassar la taxa supplementara en dumonda – porscher vinavant ses servetschs als lieus da controlla Müstair, Scuol e San Carlo senza guntgir il conclus da spargn dal cussegl grond. Uschia n'haja ni l'uffizi per il traffic sin via ni la regenza il dretg da renunziar sin atgna cumpetenza d'incassar questa taxa supplementara. Midar possia quai mo il cussegl grond cun dar ina incumbensa correspudenta a la regenza e cun revegnir uschia a ses conclus da l'onn 2003. Uschia èsi er vegnì signalisà che la regenza na s'opponia betg a quai. Sche l'incumbensa qua avant maun vegniss acceptada, instruiss la regenza l'uffizi per il traffic sin via da renunziar il pli tard a partir dal 1. d'october 2019 d'incassar la taxa supplementara per ils lieus da controlla Müstair, Scuol e San Carlo. Pervia da quai crudassan davent entradas annualas da ca. 80 000 fin 90 000 francs.

Sa basond sin questas consideraziuns propona la regenza al cussegl grond
d'acceptar questa incumbensa.



En num da la Regenza

Il president:

Il chancelier:

A handwritten signature in black ink, appearing to read "D. Parolini", written over a horizontal line.

Dr. Jon Domenic Parolini

A handwritten signature in black ink, appearing to read "D. Spadin", written over a horizontal line.

Daniel Spadin